

Dar vaschom, a lãnga traditzióng

Il Carnevale ha origini molto lontane, tantoché già antichi greci e romani lo festeggiavano. Solo durante il medioevo è diventata l'ultima occasione di festeggiare prima della quaresima. Anche a Luserna ogni anno grandi e piccini si travestono e si riuniscono mangiando gli gnocchi organizzati dal paese.

Bintsche mindar baz zboa mánat dopo hãm gevairt di Boinichtn, iz sa zait zo vaira in vaschom. Häüt zo tage vor djunge un alte iz an okasióng zo legase à azpe nia durãnte daz gãntz djar un zo stiana dahùm vo dar schual odar vo dar arbat vor a boch. Di stòrdja von vaschom hatt però gãntz alte burtzan un iz nèt hërta gest azpe bar khennense biar.

Di earstn zo vaira in vaschom, soinz gest di altn grichen un rømer vor mearar baz tausankh djar. Sa alóra di laüt soins ægelekk pinn maskere, hãm gevairt un soinz gest frai vor etlane tage. Solo durãnte dar zait von medioevo, dar vaschom iz khent a vaira kolegãrt pittar relidjóng. Vo sèmm vort iz khent da lest okasióng zo maga vairn, èzzan un trinkhan, vor in 40 tang vastzait.

In Beleschlãnt dar grøazarste un eltarste vaschom, von djar 1000 vort, khint gevairt a Venezia, pitt maskere azpe Arlecchino un Pulcinella. Atz Lusérn o alle djar durãnte in vaschom sekma di maskerãratn khindar, un groaze o, ummar pa lãnt, boda gian zèzza di njòkng inn in Spilbar.

Sperãrante zo halta vür disa schümmãna traditzióng, in ünsar lãnt o, grüazaz alle!

Samuel Pedrazza



Istituto Cimbri
Kulturinstitut Lusérn
Tel. 0464-78.96.45
info@kil.lusern.it
www.istitutocimbri.it



Ma vairt in vaschom!

L'8 febbraio a Luserna la ProLoco vor 'z Lãnt assieme al Khlummane Lustege Tritt ha organizzato la festa di Carnevale. Una parata dei bambini in costume terminata con una "gnoccatà" in Sala Bacher. Ma da dove deriva il termine cimbro Vaschom? E che differenza c'è con il termine Carnevale?

Azpe biar khòttma Vaschom. In südtiròlar dialèkht khòttma Fãsching. In Baviara khòttma Fasnacht odar Fastnacht un in børsntòlarisch khòttma Vosnocht. In hoachtaütsch anvétze khòttma Karneval un atz belesch Carnevale. Vo baz in di lentar boma redet zungen boda abestãmmen vodar altn taütscha zung, 'z bort iz eppaz àndarst? Di studjøs hãm gearbatet vil drau afti vaira von Vaschom, in Trentino o, un hãm augelest alle dise börtar khödante an lestn, ke di börtar Vaschom, Fãsching, Fasnacht odar Fastnacht un Vosnocht stãmmen abe von börtar "Fasta" un "Nah!". Dise altn taütschan börtar bölln muanen "Di nacht vor dar vastzait". Azma schauget gerècht 'z bort Vastzait hatt mearar zo tüana baz Vaschom. 'Z magat soinz ke pittar zait 'z bort Vaschom hatt gemacht azpe daz südtiròlar bort Fasching un asó hatt vorlòrt a par lettarn. Bar mochan hërta pensãrn ke ma hatt ægeheft z'schraiba azpe biar in di lest djarhundart un ke alle dise börtar soinz gerift kan üs lai geredet.

Karneval anvétze khint auz von latinegez bort "Carne-levare" zoa zo khöda nèt zèzza 'z vlaisch vor di Vastzait. Bartnsa hãm resóng dise studjøs? Balamãng Vorgèllz Gott dar ProLoco Vor 'z Lãnt Lusérn un in Khlummane Lustege Tritt vor disan schümma vaira.

Dar Nachtvogel

Di traditzióng vo disedjar

Questo periodo di fine inverno e inizio primavera, per gli abitanti di Luserna, un tempo era ricco di ricorrenze e tradizioni, alcune pagane, altre religiose. Purtroppo nel corso del tempo molte di queste sono state abbandonate, mentre altre vengono ancora mantenute.

Da atz Lusérn di laüt soinz hërta gest starch gepunet pittar traditzióng.

Balda iz gest a par a sachan zo vaira odar zo gedénkha, alle soinz hërta gest boróatet un hãm gebizt gãntz gerècht baz zo tüana.

In dise mánat da, dopo Boinichtn un daz lest von djar, soinda gest etlane tang boda eppaz gãntz bichte iz vürkhent. Zo heva à atz 17 von hochnach alle di laüt soinz gãnt in di khirch zo traga a sèkkhle saltz. Sèmm hãmsaz getrakk fin attn altàr, boda dar faff hatt gebaiget. Disan tage vairtma in Sant'Antòne Abate, dar schützar von vich. Alle bizzan ke disedjar da atz Lusérn di laüt hettatsan nèt gemak tüan pitt mindar: 'z vich iz gest daz bichtegarste zo übarleba. Alle di famildje hãm gehatt a par a vich in stall. Di ermarstn hãm gehatt almãnko a goaz odar a henn. Di sèlln, boda soinz gest

raichar, hãm gehatt di khüa, umbrómm hãm a khua, hatt geböllt munen hãm bisan o.

Atz zboa von hornung, izta gest di Kandelòra. Di laüt soinz alle gãnt ka miss, boda dar faff hatt gebaiget di khertzan, bosen dena hãm getrakk da huam.

In tage darnã soinsa bidar gãnt in di khirch un dar faff hatten gelekk aniaglaz zboa khertzan um in hals. Disar tage iz gest dar sèll von San Biagio, dar hailege schützar vodar gorgl.

Dise tang häützotage khemmen neméar gevairt.

'Z izta però a traditzióng boda hatt nicht zo tüana pittar khirch un boda lebet no in tage vo häüt. Vo ditza però bartaz kontãrn eppaz mearar in mánat boda khint.

ANN

Dialèkhete un mindarhaitzungen

Si stima che in Italia, oltre alle dodici lingue minoritarie riconosciute, si parlino più di trenta dialetti; di questi il più parlato risulta essere il napoletano. L'Italia racchiude uno dei più variegati patrimoni linguistici d'Europa, le sue lingue sono di ceppo indoeuropeo e appartengono in gran parte alla famiglia delle lingue romanze.

Ma schètzt ke in Beleschlãnt khemmenda geredet schiar draitzekh dialèkhete. Vo dise soinda söttane boda soinz geredet vo mildjü laüt; in da gãntz bèlt ulf mildjü laüt ren in napoletã, boda khint z'soina dar dialèkht mearar geredet in Beleschlãnt. Di televisióng hatt geholt vil auzohalta dise "khlummane zungen". Vil redjisti hãm gemacht film boda di atør hãm geredet romã odar napoletã un asó dar dialèkht iz khent zo haba bèrt un kraft. Daz gelãich khint vür pinn mindarhaitzungen; 'z iz genümma gedénkhan di kraft boda hatt gevãnk

dar sardo balda di Tazenda hãm ægeheft zo nütza hërta mearar soinz mindarhaitzung. In daz ünsar "khlumma" dar Kulturinstitut hatt getãnt daz gelãich pittn album vo kantzü "Näuge Beng" vodar Maria Roveran un alle bochan gittar bèrt dar zimbar zung balda geat auz in da gãntz provintz vo Tria un vo Vicenza di tagesschau "Zimbar Earde".

'Z izta o a khurtzar film geredet allz "azpe biar" gemacht vo Hive Division un boma maghe venne in YouTube schraibante: La Yamma Hive Division.

R.P.



Mapa delle Lingue e Gruppi dialettali italiani - Autore: Antonio Ciccolella - Fonte: Wikimedia Commons

Inar bòtta biavl boténg in ünsar lãnt!



La nostalgia di un tempo passato, dove nei negozietti del nostro paese si respirava un'aria di familiarità e genuinità...i sapori e gli odori erano autentici e gli animi appagati! Il "poco" bastava e il superfluo non era necessario.

Allz daz sèll boda bart lazzan attn fòldjo moi vedar izmar khent aukontãrt vonan guatn mãnn pittnar raicha seal! Lüsñanten auz iz gest sovl bide berat gikheart bidrømm zo leba in di sèlln djar balda... in lãnt khummaz haus iz gest ler un auz pa beng iz nia gest stille! Di boténg soinz gest vil un ma hatt provédart lai da!

'Z izta gest dar Apãlto nidar ka dar Paolina, spetar dar Edar un dar Albino attn Pill. Alladarsòrt au kan Baizan un kan Balük in Platz. 'Z proat hattmaz gikhoaft kan Bule un dena hatta gipekht dar Massimino, ma saít gãnt kan Alberto un kan Valantin zo khoava alladarhãnt. Dar Ettore Brida pitt soinz esl hatt giprenk auvar pa Laz obaz un gegrés. Nidar ka dar Tetsch soinda gest dar Edar Steff pinn vlaschan von boi un di Firminia un di Albina hërta pitt alladarsòrt; zo legase à saítma gãnt ka dar Mirta un zo machanen machan di schua ka dar Tetsch kan Alfeo Gasperi, boda iz gest schuastar. In Platz dar Piuma hatt o vorkhoaft schua. Dar smitt iz gest dar Menno un hatt boslãkk di ross, gerichtet di khatzedrèlln un gimacht in spenglar; un dar Max metzegar pittn sèlln guatn lugãnage! Un vorgèzzpar nèt di tischlar, Aldo, Urbano un Carletto! Häüt habar lai di Mery pitt proat un alladarsòrt! Khòbar vorgèllz Gott!

S.F.